

四庫全書

史部

欽定四庫全書

史部

皇朝文獻通考卷三十八至四十

內閣中書臣寶汝翼覆勘

總校官中書臣孫溶

欽定四庫全書

皇朝文獻通考卷三十八

土貢考

臣等謹案馬端臨通考有田賦考復有土貢考一卷第其所載惟禹貢八州及唐一代州郡所貢文為詳備其他累朝之事無可深考則其辭畧焉然亦足見古任土作貢之大概矣我

朝

列聖相承深仁厚澤淪浹肌髓率土之內靡不願殫其葵  
向之忱以自効於

盛世顧臣伏考令制

宮庭服御所必需率令有司以經費購辦未嘗責貢民  
間其他

軫念人勞罷免貢獻者為類尤廣是以今之土貢遠較  
唐制不過十存一二而已至於外夷職貢馬考雖  
未之及然肅慎貢矢西旅貢獒備載徃牒以昭哲

王慎德四夷咸賓之美我

朝肇基東土德威遠播漠南蒙古諸部歸附最先嗣  
是東至朝鮮西至番藏朔南遐暨奔走偕來若夫  
幽深荒遠地阻重譯稽之前史職貢罕通亦莫不  
測海占風享王畢至我

皇上布昭聖武用迪

前光平定準回兩部拓地二萬餘里並入版圖歲輸貢賦  
他若左右哈薩克東西布魯特諸藩俱稽顙來朝

奉表入貢猗歟盛哉誠亘古所未有也竊嘗論之前代之君其於外裔羈縻勿絕而已即使政令內修兵威遠揚猶且叛服靡常聲教莫訖

聖朝撫有中外德洋恩普共球所集覆載同歸而且貢物則不拘往制准免則屢沛

特恩

錫予便蕃矜嘉備至非所謂不寶遠物則遠人格者歟  
臣竊以中土所產久罷上供惟戶工兩部則例內

凡

宮府內外需用物料於各直省原產處所令有司支款  
置辦造冊報銷者謹著於篇視馬氏所稱土貢名  
目不殊義例自別至外藩諸貢梯山航海不可殫  
記在

國家恒恤其力在藩國爭効其誠因敬稽成例所著  
者用昭

聖朝綏來懷遠之宏畧焉

盛京額辦物產

臣等謹按

盛京為

本朝王業所基長白鍾靈東溟毓秀其包孕亭育發  
為物產者庶類繁昌洵嘉祥之薈蔚至於

列聖建國以來經營相度綜理益周俾山虞水衡分司厥  
職歲時採取上供

天府其碩大充盈極古來所稱隩區神皋陸海之富有

曾不足以媿其萬一而且取之有經用之有節

內府掌其名數冬官詳其考成累牘連篇不能悉載  
惟東珠為川瀆之精英人獲為叢林之靈卉豐貂  
溫勁備美冠裳謹述其物產之尤者冠於土貢之  
首焉

東珠設珠軒置長上三旗珠軒五十有四下五旗  
珠軒三十有四每珠軒以得東珠十有六顆為率  
重自一分至十分為度每歲合計所入之數佳者

或以一當五或以一當四當三當二尋常者仍以  
一當一分為五等不及等者不入正數內如於額  
外多得總管以下等人按數給賞其東珠由黑龍  
江將軍捕牲總管選取輸納 貂皮索倫壯丁每  
名歲納一貂分三等頭等貂皮五百張二等貂皮  
一千張餘俱作三等收納如足數及等賞給總管  
以下等人緞疋青布有差若數目不足交與理藩  
院議處其足數不及等者免其處分由黑龍江將

軍捕牲總管按數選取輸納人役戶部委員攜  
信票出口招商給票入山開採每票以納人役十  
有二兩為則每歲所採以給票之多寡為盈縮採  
二年三年間停一年由吉林將軍寧古塔副都統  
隨時酌奏

直省額辦戶部物產 直隸省額解榛栗二十八

石黃櫨木二千四百二十斤

現在  
停解

芝蔴一百石長

蘆每年額辦內務府白鹽二十萬斤

按年聽內光  
務府各取

祿寺白鹽三萬斤磚鹽二千斤

並非按年取用遇取用之年白鹽給

工價銀三百兩礮鹽給工價銀三十  
七兩三錢五分零備辦造入報銷

江蘇省額

解銀硃三千九十四斤四兩三錢五分一毫零桐

油七千九百七十一斤一兩七錢二分九釐九毫

零紅銅六千三百一十斤十三兩一錢五分四釐

四毫零明礬三千斤黃熟銅二千九百九十三斤

九兩八錢八分四釐二毫零棉布二萬七千三百

六十七疋烏梅五百斤燈草六百斤白蠟六千二

百五十斤高錫一萬六千二百三十八斤一十一  
兩零又辦銀硃三千斤紅銅七千斤黃蠟三千斤  
織造紗緞綢綾等物隨時酌辦歲無定額 安徽  
省額解銀硃二千七百四十斤七兩四錢七分三  
釐三毫零桐油六千一百一十七斤一兩四錢一  
分九釐四毫零紅熟銅三千三百三十六斤五兩  
四錢九分七釐零黃熟銅二千一百七十三斤九  
兩四錢一分一釐五毫零明礬三千斤烏梅五百

斤白蘇三萬四千一百五十八斤又辦白蠟六千二百五十斤高錫一萬六千六百五十四斤黃蠟三千斤銀硃三千斤紅銅七千斤織造紗緞綾綢等物隨時酌辦歲無定額 浙江省額解

上用黃茶二十八簍內用黃茶九十二簍芽茶二千斤黃蠟三千斤黃熟銅一千六十五斤零桐油八千三百三十二斤零白綿二百斤白絲八千五百斤織造紗緞綢綾等物隨時酌辦歲無定額 江西

省額解銀硃二千五百八十九斤四兩九錢三分  
零桐油二千五百一十一斤十二兩零五梘子二  
百九十七斤三兩三錢五分零紫草一百六十二  
斤七兩六錢又解銀硃二千斤擡連紙一百萬張  
苧布五千四百九十六疋二丈

現在  
停辦

福建省額

解紅銅四千六百二十二斤黑鉛一十萬五千一  
百五十七斤四兩黃熟銅三千一百二十七斤一  
兩七錢五分扛連紙一百萬張又解錫二萬二千

二十八斤四兩其臺灣所屬合番社生番歲納鹿皮獐皮各一張山猪毛加走山猫仔木鹿巴老遠等社每社歲納鹿皮二張屋螯末毒獅子等社生番每社歲納鹿皮四張 湖北省額解黃蠟三千

八百三十七斤半

現解二千五百斤餘停解

白蠟六千三百斤

黑鉛一萬七千六百六十九斤

現在停解

湖南省額

解黃蠟三千八百三十七斤半

現解二千五百斤餘停解

白蠟

六千三百斤黑鉛一萬七千六百六十九斤

現在停解

山東省額解闊白棉布二千三百疋牛筋六百

斤黃蠟三千斤黃丹五千斤 山西省額解毛頭

紙五十萬張

添解五  
十萬張

高錫一萬一千八百斤生素

絹一千二百疋

遇閏加添  
四十四疋

農桑絹三百疋呈文紙

一萬張

河南省額解本色棉布三千九百六十

八疋牛筋二百四十六斤零黃蠟三千斤 四川

省額解本色米一千八百二十二石九斗五升零

本色馬十三匹三年一次貢本色馬五十三匹

臣等謹按兩金川構釁

天兵迅埽閱五載全境蕩平設鎮安營皆成內地土司等以獲享太平分班入

覲踰燹道赴筵闕各

貢土宜申其愛戴自乾隆四十一年至四十六年歲歲無間我

皇上至仁普覆念其道里遠涉限以三年迨乾隆四十九年來京已七次矣所

進物件無過藏香芸香黎椒菖蒲茯苓等人無定員物  
無定額而猶嘉其誠悃

賜綵幣以厚賚之真所謂不寶異物綏柔遠人者歟今  
恭紀其畧附於川省之後

甘肅省凡內附番民歲納馬匹如因墾地成熟情  
願納糧者准其停馬納糧 廣東省額解降香九  
百斤紫榆木十四段每段二百斤花梨木十四段  
每段一百五十斤高錫三萬五千六百六十四斤

八兩散花二千三百斤白蠟一萬二千六百斤廣  
膠一千斤騰黃二十五斤沈速香三百斤點錫二  
十一萬一千七百一十三斤 廣西省南寧慶遠  
思恩鎮安五府屬土州縣崗寨每三年一次納馬  
六十一匹 雲南省額解天大青二百三十斤五  
兩八錢天二青六十六斤九兩石礪二十二斤十  
兩五錢又辦天大青一萬七千二百二十斤天二  
青一千三百斤石礪一百斤松花石礪一千斤

貴州省額解黃蠟四百七十四斤

直省額辦工部物產 直隸省額解五色土寶砂

隨時酌辦歲無定額 江蘇省每年額解桅木二

十根杉木三百八十根架木一千四百根又二千

根桐皮槁二百根又正金磚副金磚魁藤棕絲織

造誥勅制帛綵綢紅綢駕衣片庫存不敷隨呈明

派解 浙江省每年額解架木一千四百根桐皮

槁二百根又黃花竹隨時酌辦歲無定額 江西

省每年額解桅木二十根杉木三百八十根架木  
一千四百根桐皮槁二百根 湖南省每年額解  
桅木二十根杉木三百八十根架木一千四百根  
桐皮槁二百根 山西省每年額解大潞綢一百  
疋小潞綢三百疋

臣等謹按

本朝撫有區夏物產豐盈號稱極盛然而取民之制  
自田賦征權而外概無聞焉

世祖章皇帝定鼎之始

特降諭旨於故明各道額解內部物產分別蠲除嗣是歲  
需上供悉歸經費採辦茲據會典所載各直省支  
款辦解戶工兩部者條列如右大抵減之又減即  
什一僅存之數而又或解或停就地轉移隨時酌  
辦蓋自古任土之常至我

朝而改為官辦曠蕩之

恩洵千古所未有也已

外藩西北各部落額貢物產

臣等謹按內扎薩克各部落及喀爾喀四部青海土爾扈特阿拉善厄魯特西藏各寺廟喇嘛星羅碁布附近邊陲其所產若牛羊駝馬與夫毯罽藏香之屬無難得之貨我

朝中外一統聲靈遠訖諸藩部長靡不効力輸誠世為臣僕其取道不紆其備物至虔其奉職至誠且慤

國家柔恤遠人或酌以成期或寬其定數至力不能來者得交所在有司轉進撫卹矜慈每加

厚賞以視貢賁獻雉之朝其規模大小豈可同日而語也哉

科爾沁扎賚特杜爾伯特郭爾羅斯土默特喀喇  
沁教漢奈曼扎魯特阿魯科爾沁翁牛特喀爾喀  
左翼烏珠穆沁巴林阿巴噶浩齊特阿巴哈納爾  
克什克騰四子部落蘇尼特茂明安喀爾喀右翼

烏喇特歸化城土默特鄂爾多斯各旗扎薩克每  
年十二月各貢羊一隻乳酒一瓶又歸化城土默

特二旗四季貢馬一百六十三匹

舊貢有緞百疋  
石青二千斤後

俱免貢道科爾沁扎賚特杜爾伯特郭爾羅斯均

由山海關土默特喀喇沁教漢奈曼扎魯特阿魯

科爾沁翁牛特喀爾喀左翼均由喜峯口烏珠穆

沁巴林阿巴噶浩齊特阿巴哈納爾克什克騰均

由獨石口四子部落蘇尼特茂明安喀爾喀右翼

均由張家口烏喇特歸化城土默特鄂爾多斯均  
由殺虎口喀爾喀四部落王公扎薩克台吉等  
各貢駝馬羊隻無定數隨其朝覲之班來貢其車  
臣汗土謝圖汗及喇嘛哲卜尊丹巴胡土克圖每  
年俱貢白馬八匹白駱駝一隻謂之九白又定邊  
左副將軍喀爾喀親王每年八月內

木蘭圍上貢羊三十隻十月內遣使來京貢湯羊十  
隻貢道由張家口青海貢藏香璫羶馬匹無定

數各隨其朝覲之班來貢貢道由西寧 土爾扈  
特貢藏香璣魯馬匹無定數各隨其朝覲之班來  
貢貢道由張家口 阿拉善厄魯特貢駝馬羊隻無  
定數各隨其朝覲之班來貢貢道由張家口 西  
藏前藏達賴喇嘛後藏班禪額爾德尼分為兩班  
隔年輪流遣使進貢每年於十一月到京所貢哈  
達藏佛經卷藏香珊瑚琥珀數珠璣魯等物無定  
數進貢之年於次年正月初十日以內慶賀進丹

舒克所貢銅藏佛佛象經卷銀滿達銀輪銀塔銀  
瓶銀七珍八寶八吉祥銀杵珊瑚琥珀數珠藏香  
紅花璫璫藏杏藏棗等物亦無定數所有辦理藏  
務之胡土克圖公扎薩克台吉等所進各貢附於  
達賴喇嘛班內貢物俱與達賴喇嘛同貢道由四  
川之打箭爐其番僧入貢者紅山報恩寺五年一  
貢貢道由莊浪衛圓覺等二十六寺分四班三年  
一貢貢道由岷州衛貢物各以馬匹及延壽果青

木香之屬西寧瞿曇等九寺西納演教寺河州弘  
化寺均貢無常物亦無定期或力不能來即交所  
在有司轉進 哈密闕展吐魯番歲貢葡萄二百  
斤乾瓜二筐布疋手巾佩刀諸物其附近闕展之  
羅布綽爾居住回民歲貢玉石翎毛水獺皮諸物  
貢道由嘉峪關 喀什噶爾歲貢黃金十兩綠葡  
萄千斤溫都斯坦金絲緞二毛毯四其所屬伯得  
爾格歲貢金絲緞二烏什歲交硝一千八百斤貢

道由嘉峪關 葉爾羌歲貢黃金四十兩葡萄干  
斤其所屬之沙爾虎爾回民二百戶每戶歲貢黃金  
一錢共金二十兩貢道由嘉峪關 和闐歲貢黃  
金六十兩其所屬之玉隴喀什哈喇喀什兩河產  
玉歲令回人採取量其所得進貢無定額貢道由  
嘉峪關 哈薩克左右部布魯特東西部安集延  
瑪爾噶朗霍罕納木干四城塔什干拔達克山博  
羅爾愛烏罕奇齊玉斯謬爾根齊諸部落貢罽刀

馬匹或三年或間年貢無定期貢道由嘉峪關

臣等謹按

國家奄有區宇蒙古諸部落絡繹踵至嗣是青海西套番藏各部引領向風傾誠翊戴我

皇上德威遠播奠定伊犁凡天山以南諸回部素為準夷所苦者一時如解倒懸歸仁恐後厥後大小和卓木負

恩構釁致干

天討黃鉞所麾臣服無外自嘉峪關外舊部若哈密新  
疆若闢展吐魯番哈喇沙爾庫車雅爾賽哩木拜  
阿克蘇烏什喀什噶爾葉爾羌和闐等既無殊於  
郡縣其哈薩克之左右部布魯特之東西部及安  
集延瑪爾噶朗霍罕納木干塔什干拔達克山博  
羅爾愛烏罕奇齊玉斯諤爾根齊等部並皆敘祚  
內附踴躍來朝繒帛金刀獻同芹曝

聖天子無私覆載不忍擯遺

恩賚所覃歌舞載道故諸藩樂值朝貢之期而

盛世初不惟異物之貴具著於篇亦以徵畏懷之極

至云爾

外藩南方東南西南方各國額貢物產 朝鮮國

萬壽聖節貢物

御前貢黃細苧布十疋白細苧布二十疋黃細綿綢三

十疋紫細綿綢二十疋白細綿綢二十疋龍文簾

蓆二張黃花蓆二十張雜彩花蓆二十張滿花方

蓆二十張櫨皮二十張白綿紙一千四百卷粘六  
張厚油紙十部

皇太后前貢紅細苧布十疋白細苧布二十疋紫細綿綢  
二十疋白細綿綢十疋黃花蓆十張滿花蓆十張  
雜彩花蓆十張

皇后前貢紅細苧布等儀物同凡冬至貢物

御前貢黃細苧布十疋白細苧布二十疋黃細綿綢二  
十疋白細綿綢二十疋龍文簾蓆二張滿花蓆二

十張黃花蓆二十張滿花方蓆二十張雜彩花蓆  
二十張白綿紙一千三百卷

皇太后前貢紅細苧布十疋白細苧布二十疋白細綿綢  
十疋紫細綿綢二十疋滿花蓆十張黃花蓆十張  
雜彩花蓆十張螺鈿梳函一具

皇后前貢紅細苧布等儀物同凡年貢

御前貢白苧布二百疋紅綿綢一百疋綠綿綢一百疋  
白綿綢二百疋白木棉一千疋木棉二千疋五爪

龍蓆二張各樣花蓆二十張鹿皮一百張獺皮三百張好腰刀十把好大紙二千卷好小紙三千卷粘米四十石凡

慶賀貢物

御前貢黃細苧布三十疋白細苧布三十疋黃細綿綢二十疋白細綿綢三十疋龍文簾蓆二張黃花蓆十五張滿花蓆十五張雜彩花蓆十五張白綿紙二千卷

皇太后前貢紅細苧布十疋白細苧布十疋白細綿綢二  
十疋滿花蓆十張雜彩花蓆十張

皇后前貢紅細苧布等儀物同

前各項貢物  
題准收受凡謝

恩貢物

御前貢黃細苧布三十疋白細苧布三十疋黃細綿綢  
二十疋紫細綿綢二十疋白細綿綢三十疋龍文  
簾蓆二張黃花蓆十五張滿花蓆十五張雜彩花  
蓆十五張白綿紙二千卷

皇太后前貢紅細苧布十疋白細苧布十疋白細綿綢二  
十疋滿花蓆十張雜彩花蓆十張

皇后前貢紅細苧布等儀物同加

恩准留作正貢凡請

封貢物

御前貢黃細苧布二十疋白細苧布二十疋黃細綿綢二  
十疋紫細綿綢二十疋白細綿綢三十疋龍文簾  
蓆二張黃花蓆十張滿花蓆二十張雜彩花蓆十

張獺皮二十張青鼠皮三十張白綿紙二千卷黃  
毛筆一百枝油煤墨五十錠

皇太后前貢紅細苧布十疋白細苧布十疋白細綿綢十  
疋滿花蓆十張雜彩花蓆十張

皇后前貢紅細苧布等儀物同加

恩准留作正貢凡陳

奏貢物與請

封同加

恩准留作正貢正貢每歲一至貢道由鳳凰城

年貢舊有白銀

麻布水牛角順刀蘇木胡椒茶  
黃金豹皮青鼠皮後俱免貢

臣等謹按朝鮮地處東陲

本朝開國之初最先効順獻琛奉賁世篤悃忱固

王化所先及而東南諸國之首倡也與

琉球國貢熟硫磺一萬二千六百斤紅銅三千斤

白銅錫一千斤貢期間歲一至貢道由福建

舊貢有瑪

瑙烏木降香象牙錫連香丁香木香檀香黃熟香  
金銀罐金銀粉匣金銀酒海泥金彩畫屏風泥金

扇泥銀扇畫扇蕉布疋布紅花胡椒蘇木腰刀大  
刀槍盔甲鞍馬絲綿螺盤海螺殼屏風紙後俱免

貢

荷蘭國貢馬匹珊瑚鏡哆囉靴織金毯哩噠

緞自鳴鐘丁香檀香冰片琥珀烏槍火石貢期五

歲一至貢道舊由廣東今改由福建

舊貢有銀盤甲  
鞍番花桂皮花

破褥毛纓蕎薇水白石畫小車白小牛胡椒織金  
緞盛油小箱腰刀劍倭緞羽緞布琉璃燈聚耀燭  
臺琉璃盃肉豆蔻葡萄酒象  
牙皮帶夾板棹船後俱免貢

安南國貢金香爐

花瓶四副共重二百九兩折金三十一錠銀盆十

二口共重六百九十一兩折銀六十九錠沈香九

百六十兩速香二千三百六十八兩

慶賀方物金香爐花瓶一副金龜一個重十八兩銀  
鶴銀臺各一個共重五十一兩二錢沈香三十斤  
速香六十斤漆扇一百把

冊封謝

恩方物金香爐花瓶一副重五十七兩五錢折金六錠  
銀鶴銀臺各一個共重四十九兩四錢折銀五錠  
銀香爐花瓶一副重五十兩四錢折銀五錠沈香

三十斤速香六十斤漆扇一百把

賜卹謝

恩貢物與

冊封同貢期六歲再至貢道由廣西

舊貢有白絹降真香白木香中黑線

香象牙犀角  
後俱免貢

暹羅國

御前貢龍涎香一斤象牙三百斤西洋閃金花緞六疋

胡椒三百斤騰黃三百斤荳蔻三百斤蘇木三千

斤速香三百斤烏木三百斤大楓子三百斤金銀

香三百斤

皇后前貢龍涎香等儀物同數目減半凡常貢外例有

加貢無定額貢期三歲一至貢道由廣東

舊貢有  
安息香

紫梗香紅白袈裟白幼布幼花布  
闊幼花布花布幔孔雀龜俱免貢

西洋意達里

亞國貢蜜蠟孟蜜蠟瓶銅日規水晶燈銀盤紙盤

皮畫花石片鍍金皮規矩番銀筆珊瑚珠瑪瑙珠

火漆羽緞週天球顯微鏡火字鏡照字鏡等物路

遠無定期貢亦無定額貢道由廣東 西洋博爾

都噶爾國貢珊瑚珠寶石素珠咖石喻瓶瑪瑙盒  
雲母盒玳瑁盒各品藥露金絲緞金銀絲緞金花  
緞洋緞羽毛緞哆囉呢洋刀長劔短劔自來火長  
槍手槍各品衣香各色葡萄酒等物路遠無定期  
貢亦無定額貢道由廣東 蘇祿國貢珍珠二顆  
玳瑁十二斤描金花布一疋金頭牙薩二疋白幼  
洋布二疋蘇山竹布二疋燕窩一箱龍頭花刀一  
對夾花標槍一對滿花番刀一對藤蓆一對活猿

一對貢期五歲一至貢道由福建 南掌國貢馴  
象貢期十歲一至貢道由雲南 緬甸國貢馴象  
縐緞緬布路遠貢無定期貢道由雲南

臣等謹案外藩各國涵濡

聲教重譯入朝所充上貢不逾土物至西洋諸國遠阻  
重瀛其貢無定期亦無定額誠

國家徠遠之至意體其情而不欲殫其力也而況薄  
來厚往

賞賚有經海溼山取備霑

汪濊其歷年事例詳載四裔考中茲特聊舉大凡而已

見我

朝覆載之德普被無外覽是編者當無不晞風而慕

景矣

皇朝文獻通考卷三十八

欽定四庫全書

皇朝文獻通考卷三十九

國用考一

臣等謹按經國之用博矣而足用之要術有三焉  
曰生之有道取之有制用之有禮而已

本朝自開國以來崇本抑末敦實去華無徵發期會以  
病農無竒技淫巧以病工無加征重稅以病商賈  
即偶有征伐而民不饑間遇水旱而民不饑

省方問俗

清蹕經臨頓宿供帳絲粟不擾用是民得寬其手足盡  
力生產田無曠土市無閒廛衣食既裕輸將亦輕  
所謂本富為上者此也則生之為道得矣臣恭讀

實錄崇德三年

太宗文皇帝諭曰朕蒙

天垂佑各國臣服財用饒裕當此之際我國新舊人等若  
不急加恩養更於何時養之大哉

聖謨此真天地父母之心肇開鴻業之本也嗣是

累朝繼述彌迪

前光求所以惠我民者惟恐不及

世祖章皇帝甫定中原凡故明加派以及荒闕諸賦亦既

除洗無餘矣

聖祖仁皇帝御極之五十二年

詔天下丁賦據五十年丁冊為額永不加增

世宗憲皇帝念江南之蘇松浙江之嘉湖賦額較重清釐

減免我

皇上善繼善述先後蠲除共六十餘萬兩乃若際左藏之充盈嘉民生之悅豫暢茲偕樂益茂隆施則若康熙三十年五十年雍正八年乾隆之十有一年三十一年三十五年四十三年

賜復蠲租普周四海他如恭遇

國家慶典

鑾輅時巡隨地隨時除逋免賦古之所稱為曠典者今

直以常例循之故沐浴膏澤

帝力幾忘歌衢擊壤之風豈獨堯民為然歟至於小遇  
災傷蠲賑並舉痼瘼饑溺

列聖一心我

皇上念切民依發帑動輒數千百萬此皆耳目所親見  
婦孺所能言者至於

官府之內服御之具莫不躬行儉德用率臣民

聖

聖相承

訓謨具在不愆於用而又不輕於用如此蓋惟生之有道  
取之有制而又用之以禮宜乎財用足而藏富於  
民久遠無弊也按馬端臨考惟漕運賑卹蠲貸各  
為一門餘均以歷代國用統之未為明晰臣等恭  
循

昭代典則分列九門首節用次庫藏次賦額次用額  
次會計由茲五者而制用之道備矣於是舉其用

之大者則又有俸餉漕運蠲貸賑卹謹述其制以  
次類敘良法美意燦然秩然以視周官九用之式  
不啻彼列其綱此詳其目焉易曰節以制度不傷  
財不害民此之謂也然則若漢之均輸唐之租庸  
區區小補之術皆無足比數者矣

節用

崇德元年

諭羣臣曰國家崇尚節儉毋事浮華凡鞍轡等物不許以

金為飾雖家不少藏金止許造盤盂七箸蓋此等之類或至匱乏尚可毀為他用若以之塗飾則零星耗折豈能復取而用之今後著永行禁止至於陣獲緞帛用之亦當節儉勿以獲取之易奢費無度而忘其紡織之勞也

順治八年

諭各處織造所以供朝廷御服賞賚之用勢不可廢但江寧蘇州杭州已有專設官員又差滿洲官并烏林人役

督催不但往來糜費抑且騷擾驛遞朕心深為不忍嗣後著停止差催陝西織造裁褐粧蟒殊屬無謂至買辦皮張之處亦屬煩擾著一併停止

時江西進額造龍碗得

旨朕方思節用與民休息燒造龍碗自江西解京動用人夫苦累驛遞以後永行停止

十一年

諭工部江寧蘇杭等處地方連年水旱小民困苦已極議

賑則勢難周屢蠲又恐國用不足朕用是惻然於中念織造衙門原供御服賞賚之用前此未能俱罷近聞甚為民累夫民既苦賦稅又苦織役何由得安民既不安朕豈忍被服美麗不為之所乎嗣後織造除祝帛誥勅等項著巡撫布政織解外其餘暫停二年爾部即行傳諭

康熙二十九年大學士等奏曰前者

皇上以前宮殿樓亭門名開載一摺并

慈寧宮

寧壽宮乾清宮及老嫗數目摺子發出令臣等觀看並鈔

錄存貯衙門又奉

諭旨朕以天旱欲省減宮人及所用器物詳加查察因自來未嘗有餘故不能再減爾等將故明宮中所用銀兩及金花鋪墊銀兩數目亦為察閱臣等查故明宮內每年用金花銀共九十六萬九千四百餘兩今悉已充餉又查故明光祿寺每年送內所用各項錢糧

二十四萬餘兩今每年止用三萬餘兩每年木柴  
二千六百八十六萬餘斤今止用六七百萬斤每  
年用紅螺等炭共一千二百八萬餘斤今止用百  
萬餘斤各官牀帳輿轎花毯等項每年共用銀二  
萬八千二百餘兩今俱不用又查故明宮殿樓亭  
門名共七百八十六座今以

本朝宮殿數目較之不及前明十分之三至故明各宮  
殿九層基址牆垣俱用臨清甃木料俱用楠木今

禁中修造房屋出於斷不可已非但基址未嘗用臨  
清甃凡一切牆垣俱用尋常甃料所用木植亦惟  
松木而已臣等以所查各條并

皇上發下摺子令九卿詹事科道官員徧觀諸臣皆曰我  
皇上百凡撙節儉約臣等向所共知但未能詳悉今觀事  
事減省至矣極矣

四十五年

諭戶部國家錢糧理當節省否則必致經費不敷每年有

正額蠲免有河工費用必能大加節省方有裨益前光祿寺一年用銀一百萬兩今止用十萬兩工部一年用二百萬兩今止用二三十萬兩必如此然後可謂之節省也

四十九年

諭大學士曰明季事蹟卿等所知往往皆紙上陳言萬厯以後所用內監有在御前服役者故朕知之獨詳明朝費用甚奢興作亦廣一日之費可抵今一年之用其宮

中脂粉錢四十萬兩供應銀數百萬兩至

世祖皇帝登極始悉除之紫禁城內砌地甃橫豎九層一切工作俱派民間今則器用樸素工作皆現錢雇覓明季宮女至九千人內監至十萬人飯食不能徧及日有餓死者今則宮中不過四五百人而已明季宮中用馬口柴紅螺炭以數千萬斤計俱取諸昌平等州縣今此柴僅

天壇焚燎用之爾等亦知所謂馬口柴乎大學士等奏曰

不但不知亦所未聞

上曰其柴約長三四尺淨白無點黑兩端刻兩口故謂馬口柴又明季所行多迂濶可笑建極殿後階石厚數大方整一塊其費不貲採買搬運至京不能舁入午門運石太監叅奏此石不肯入午門乃命將石綑打六十御棍崇禎嘗學乘馬兩人執轡兩人奉鐙兩人扶鞦甫乘輒已墜馬乃責馬四十發苦驛當差馬猶有知識石何所知如此舉動豈不發噱總由生於深宮長於阿保之

手不知人情物理故也

雍正四年戶部奏言

恩詔內賞各直省七十以上至百歲以上老民老婦共百四十二萬一千六百二十五名

上諭曰此皆由我

皇考聖祖皇帝六十餘年深仁厚澤休養生息所以期頤耄耋之人至數百餘萬之多但生齒日盛食指繁多則謀生之計不可不講爾等百姓當重農桑以順天時勤

開墾以盡地利務本業以戒游惰謹蓋藏以裕久遠而  
且節省日用愛惜物力毋縱奢侈毋競紛華毋任意糜  
費以耗有用之財毋但顧目前而忘經久之計朕以勤  
儉先天下宮禁之中於食餘之物皆不忍棄必令人檢  
取收貯之數年以來所貯米粟已至數十石之多朕臨  
御萬方尚多方撙節愛養以為加惠元元之本爾等小  
民安可縱口腹之所欲而忘物力之艱難乎爾等誠能  
體朕諄諄訓諭之意敦善行則心體安務本計則俯仰

足惜財用則家室裕人心和樂風俗淳美同為壽考之人長享昇平之福豈非朕之所厚望哉著該部將朕此旨轉發直省督撫通行所屬郡邑鄉村咸使聞知

五年

諭管理旗務諸王滿洲文武大臣等自古人生以節儉為本蓋節儉則不至於困窮糜費則必至於凍餒此理所必然者也本朝滿洲素性淳樸凡遇出兵行圍俱係自備並無違誤而生計各足近來滿洲等不善謀生惟恃

錢糧度日不知節儉妄事奢靡朕屢曾降旨諄諄訓諭但兵丁等相染成風仍未改其糜費之習多有以口腹之故而鬻賣房產者即如每飯必欲食肉將一月所得錢糧不過多食肉數次即罄盡矣又將每季米石不思存貯備用違背禁令以賤價盡行糶賣沽酒市肉恣用無餘以致闔家匱乏凍餒交迫尚自誇張謂我從前曾食美物服鮮衣並不悔悟所以致此困窮者乃以美食鮮衣之故也今漢人謀生尚知節儉殷實之家每日肉

食者甚少其貧乏之人孳孳謀食僅堪餬口若滿洲等果能節儉將每月所得錢糧少使留餘則日久習成生計自裕產業可立矣或有不肖之輩不守本分妄行糜費既至貧乏惟希恩賞從前

皇考軫念兵丁効力行間致有債負曾發帑金五百四十萬五千餘兩一家獲賞俱至數百如此厚賚未聞兵丁等置有產業生計滋益者悉由妄用於衣食徒令貿易之人得利一二年間蕩然無餘心愈奢侈而生計較

前更加窘乏其後又發帑金六百五十五萬四千餘兩  
賞賜兵丁人等亦如從前立時費盡朕自即位以來除  
特行賞賜外賞給兵丁一月錢糧者數次每次所賞需  
銀三十五六萬兩此銀一入兵丁之手亦不過妄用於  
飲食不及十日悉為烏有亦何裨益且庫帑俱係國家  
之正項天下百姓之膏脂豈可無故濫行賞賚以累百  
萬之帑項徒供伊等數日口腹之費乎若不將惡習改  
除朕即有施恩之意亦不可舉行兵丁等果將朕訓諭

之意曉然明晰實心遵行痛改妄行糜費之習朕加恩  
賞賜衆亦可得永遠均沾至生計各遂之時始知朕所  
以愛養滿洲之恩為至深且切也王大臣等亦宜各從  
儉約以為下人之表率行之既久自可挽此惡習滿洲  
乃國家根本朕知之既深豈有不教之理朕自即位以  
來衆人有論朕為太嚴者由朕欲衆人痛改惡習進於  
善良恐其奢靡使知儉約凡朕意慮所及之處悉申禁  
令而不肖匪類不得肆行其意或妄加議論如朕曾有

禁酗酒禁止賭博赴園館鬪雞及鵠鶉蟋蟀僱人當差  
放印子銀兩典錢糧米石用黃銅器皿等諭旨悉為兵  
丁等身家計也如此訓誨不已衆人咸應體朕苦衷且  
此等訓誡咸係

皇考從前禁止之事並非創始於朕但當時之臣工未能  
實意奉行是以一應惡習未得盡改今王大臣官員內  
仰體朕旨加意奉行者不過十居其五大半未愜朕懷  
而無知之人遂論以為過嚴如欲使若輩稱為寬仁之

主何難之有但不知約束任其種種糜費則不但坐視  
滿洲等漸流至於不得衣食毫無顏面即以國家全力  
養贍伊等亦且不能給足朕意實有所不忍勢亦必不  
可也爾等其仰副朕意各將所屬官兵及閒散人等剖  
析情理不時詳加訓誡

是年又

諭前織造等衙門貢獻物件其所進御用繡線龍袍曾至  
九件之多又見燈幃之上有加以綵繡為飾者朕心實

為不悅比即切加戒諭近因端陽佳節外間所進香囊  
宮扇等件中有粧飾華麗雕刻精工甚至於有繡扇者  
此皆糜費於無益之地開風俗奢侈之端朕所深惡而  
不取也外省諸臣凡有進獻方物土宜朕留於宮中服  
用者所需實不多每隨便頒賜諸王內外大臣等所以  
推廣恩澤也如黃龍繡緞之類既不可以頒賜諸王大  
臣不過收貯於宮中耳其餘華燦之物在朕用之心中  
尚覺不安若賜諸王大臣在伊等亦覺非分豈非糜費

於無益之地乎況朕素性實不喜華靡一切器具惟以  
雅潔適用為貴此朕撙節愛惜之心本出於自然並非  
勉強數十年如一日者凡外臣進獻惟應量加工價異  
於市肆之物即可見諸臣恭敬之忱何必過於工巧而  
後見其誠悃乎工匠造物之情喜新好異無所底止見  
一靡麗之式樣初則競相慕倣後必出奇鬪勝以相誇  
此雕文纂組之風古人所以斥為奇袤豈可導使為之  
而不防其漸乎蓋治天下之道莫要於厚風俗而厚風

俗之道必當崇儉而去奢若諸臣進獻之物以奢為尚  
又何以訓民間之儉約乎朕觀四民之業士之外農為  
最貴凡士工商賈皆賴食於農以故農為天下之本務  
而工賈皆其末也今若於器用服玩之物爭尚巧華必  
將多用工匠以為之市肆之人多一工作之人即田畝  
之中少一耕稼之人此逐末之所以見輕於古人也且  
愚民見工匠之利多於力田必羣趨而為工羣趨為工  
則物之製造者必多物多則售賣不易必至壅滯而價

賤是逐利之人多不但有害於農而並有害於工也小民舍輕利而就重利故逐末易而務本難苟為官者遽然繩之以法必非其情之所願而勢有所難行惟平日留心時刻勸導使小民知本業之為貴又復訓飭閭閻崇尚樸實工作之間不為華巧如此日積月累遂成風俗雖不必使為工者盡歸於農然可免為農者相率而趨於工矣至於士人所業在乎讀書明理以為世用故居四民之首然父兄之教子弟亦當觀其才質如何若果

聰悟恂謹可望有成則當使之就學而為士若愚濁中  
下之資讀書難通即當早令改業歸農使之盡力於南  
畝以為仰事俯畜之資誠恐讀書不成又粗識數字曠  
廢間游必至非分妄為越禮犯法是浮慕讀書之名而  
不得其道其傷農而害本者為尤甚亦不可不知戒也  
朕深揆人情物理之源知奢儉一端關係民生風俗者  
至大故欲中外臣民黜奢禁末專力於本人人自厚其  
生自正其德則天下共享太平之樂矣昔人云由儉入

奢易由奢入儉難不知奢者取用少而費力多儉者取用多而費力少則由奢入儉乃人人行之甚便者不可謂難也中外臣民其深體朕意朕自身體力行諸王內外大臣文武官弁與鄉紳富戶當欽遵朕諭其共勉之  
乾隆元年

諭八旗為國家根本從前敦崇儉樸習尚淳龐風俗最為近古迨承平日久漸即侈靡且生齒日繁不務本計但知坐耗財求罔思節儉如服官外省奉差收稅

即不守本分恣意花消虧竭國帑及至于犯法紀身  
罹罪戾又復貽累親戚波及朋儕牽連困頓而兵丁  
閒散人等惟知鮮衣美食蕩費貲財相習成風全不  
知悔旗人之貧乏率由於此朕即位以來軫念伊等  
生計艱難頻頒賞賚優恤備至其虧空錢糧已令該  
部查奏寬免入官之墳塋地畝已令查明給還因獲  
罪革退之世職亦令查明請旨似此疊沛恩施者無  
非欲令其家給人足返樸還淳共享昇平之福也見

在日與王大臣等籌畫久長生計次第舉行惟是曠  
典不可數邀亦不可常恃而旗人等蒙國家教養之  
厚澤不可不深思猛省自為室家之謀即如喜喪之  
事原有恩賞銀兩自應稱家有無酌量經理乃無知  
之人止圖粉飾虛文過為糜費或遇父母大故其意  
以為因父母之事即過費亦所不惜不知蕩盡家產  
子孫無以存活伊等父母之心其能安乎否乎他如  
此等陋習不可悉數在已不知節省但希冀朝廷格

外之賞賚以供其揮霍濟其窮困有是理乎嗣後務期恪遵典制謹身節用勿事浮華勿耽游惰交相戒勉惟儉惟勤庶幾人人得所永遠充裕可免窘乏之虞況旗員內之老成謹慎者可望擢用外任上為國家効力辦公下亦可得俸祿養廉以贍給家口儻伊等不知痛改前非仍蹈覆轍驕奢侈靡虧帑誤公則是伊等下愚不移自取罪戾不惟恩所不施且為法所不貸朕必仍前按律懲治不少姑息且朕今日所

寬者即向日虧空官帑驕泰自恣之人也若不痛自  
改省謹遵法紀則將來不於伊身必於伊等之子孫  
又復罹追比之苦矣又何樂於目前數日之花費乎  
凡朕之所以諄諄訓誡者總為伊等豫謀久遠生計  
八旗大臣等可通行曉諭官兵人等其各敬聽朕言  
熟思審計以無負朕之期望

又

諭厚生之道在於務本而節用節用之道在於崇實而

去華朕聞晉豫民俗多從儉樸而戶有蓋藏惟江蘇  
兩浙之地俗尚侈靡往往家無斗儲而被服必極華  
鮮飯食靡甘澹泊兼之井里之間茶坊酒肆星列碁  
置少年無知遊蕩失業彼處地狹民稠方以衣食難  
充為慮何堪習俗如此民生安得不愈艱難朕軫念  
黎元期其富庶已將歷年各項積欠盡數蠲除小民  
乘此手足寬然之時正當各勤職業尚樸去奢以防  
匱乏豈可習於侈靡轉相倣效日甚一日積為風俗

之憂也地方大吏及守令有臨民之責者皆當徧行  
化導宣朕德音縉紳之家尤宜躬行節儉以率先之  
布帛可安不必文綺也粗糲可食不必珍羞也物力  
可惜毋滋浪費終身宜計毋快目前以儉素相先以  
撙節相尚必能漸返淳樸改去積習庶幾唐魏之風  
焉又聞吳下風俗篤信師巫病不求醫惟勤禱賽中  
產以下每致破家病者未必獲痊生者已致坐困愚  
民習而不悔尤屬可憫地方官亦當曲加訓誨告以

淫祀無福嚴禁師巫勿令蠱惑亦保民之一端也凡此皆不用嚴峻迫切立法繁苛反致擾民惟誠心訓諭漸以歲月自應遷善而不自知朕保民念切不憚諄切言之官吏士民其皆敬聽勿忽

十六年

皇上南巡

諭朕命駕時巡周覽風俗觀民察吏惟日兢兢吳越尤所廛念也粵自我

皇祖聖祖仁皇帝巡幸東南先後六舉厯今四十餘年盛典昭垂衢謠在耳頃者入境以來白叟黃童扶携恐後就瞻愛戴誠意可嘉朕已疊沛恩膏廣敷渥澤惟念大江南北土沃人稠重以百年休養戶口益增習尚所趨蓋歲未裕紛華靡麗之意多而樸茂之風轉有未逮夫去奢崇實固閭閻生計之常經而因時訓俗以宣風而布化則官茲土者之責也其尚勵乃實心以行實政無忝教養斯民之任凡茲士庶更宜各

敦本業力屏浮華以節儉留其有餘以勤勞補其不足時時思物力之維艱事事惟侈靡之是戒將見康阜之盛益臻父老子弟共享昇平之福朕清蹕所至有厚望焉

二十四年

諭曰各鹽政織造等夏節貢物以備賞賚之需雖行之已久但邇來絺繡太求精巧既害女紅長此焉窮非朕敦尚樸素之意也甚至華藻被於葛褥天中五日

以外無所用之迎涼適清亦不宜於憩息也其禁之

互見土貢考

二十七年

皇上南巡

諭朕奉

皇太后安輿蒞茲南服所以省方觀民勤求治理其各處  
舊有行宮清蹕所駐為期不過數日但須掃除潔淨  
以供憩宿足矣固無取乎靡麗適觀也而名山勝蹟

尤以存其舊規為得自然之趣從前屢降諭旨至為  
明晰乃今日渡淮而南凡所經過悉多重加修建意  
存競勝即如浙江之龍井山水自佳又何必更興土  
木雖成事不說而似此踵事增華伊於何底轉非朕  
稽古時巡本意且河工海塘為東南民生攸繫朕厯  
懷宵旰時切紆籌地方大吏果加意修防永資捍禦  
則茲之親臨閱視其欣慰當何如者而田疇豐潤井  
里恬熙即所以博朕愜覽不在彼而在此也嗣後每

屆巡幸之年江浙各處行宮及名勝處所均毋容再  
事增葺徒資糜費即圯墁裱飾不至年久剥落亦可  
悉仍其舊此實不僅為愛惜物力起見也該督撫等  
其各善體朕諭敬相遵守

又

諭朕巡幸所至凡地方豫備一切飾觀之具殊覺繁俗  
已屢降旨概行斥禁因念回鑾直隸時節令適近端  
陽恐地方官不無點綴節景或於趙北口有供備龍

舟之事著方觀承先期實力飭禁毋得稍踵靡文以副朕意

三十五年

皇上巡幸天津奉

諭朕因淀神祠工落成親詣瞻禮并恭奉

皇太后安輿巡幸天津地方官於淀祠旁及左格莊二處添建行宮工作未免煩費雖伊等義效尊親朕實不欲其過耗物力著將此二處行宮各賞銀二萬兩於

鹽課應解內務府銀兩項下撥給並諭嗣後毋得稍有增飾及新建行宮以副朕體恤崇樸至意

又

諭令歲巡幸天津山東撫臣富明安以明歲恭逢

皇太后八旬萬壽奏請登獄祝

釐朕亦以闕里久未臨謁便道往往來年巡蹕所至非但畿甸境內不宜復事繁文即東省入疆以後亦不當綴景增華致滋糜費朕省方問俗念切觀民惟以閭

里恬熙羣情愛戴為樂若備陳彩飾炫耀川途不足  
美觀而徒耗物力實所不取該督撫其善體恪遵毋  
違朕命

三十六年

皇上東巡奉

諭今日至寶稼營登舟見所設水營外圍席牆概行畧  
以黃布甚屬非是向來巡幸所經水程營盤外牆率  
以葦席代之今乃於葦席之外復加布襲且高逾數

仍儼如大牆其意何取布疋為小民被服所需豈宜  
妄為耗費若留此布為貧民襦袴之用資衣被者不  
知凡幾顧置有用為無用使不知者幾擬於土木被  
文繡詎朕省方觀民之意前途有似此者著即撒去  
所有布疋聽民間買用庶不至成棄物山東毗連直  
隸恐亦聞風效尤並著速行除撒此次巡幸山東所  
重在問民疾苦嘉惠羣黎實不欲絲毫耗及閭閻物  
力猶恐地方大吏踵事增華屢經諄諭一切務從儉

約毋飾浮靡不啻三令五申楊廷璋何竟不知仰體  
朕意著傳旨申飭并將此通諭知之

又

諭前於寶稼營登舟見所備水營外圍席牆幕以黃布  
又添設坐落板房均為過當布疋為民間衣被所需  
詎宜妄費因即令沿途槩行撤去而板房則成工難  
於遽毀然每日駐蹕閱之輒為不懌夫水營不過為  
艤舟一宿而設從前四巡江浙及年來再莅天津規

制未嘗增易朕甚安之亦衆所共知者何今次獨藉此板屋數楹為憩息乎且又位置廊軒增華飾美心益增厭是以所至之地竟有不登岸寓目者構此何為朕巡幸所經供頓儲備丝毫不欲累及官民每一水營准令開銷數千金俾之承辦寬裕今乃不知撙節轉事此無益之耗費實所不取嗣後或有安設水營悉遵舊規不得稍有點綴致干咎戾此次著賞給鹽庫銀一萬兩以償其費並為明白宣諭使知朕禁

奢崇實之至意

四十一年

皇上東巡奉

諭此次巡蹕所經直隸山東兩省每日俱有戲臺承應  
甚或閒以排當殊屬無謂朕啟鑒前再三申諭勿務  
繁文而地方官總不能實心仰體朕於道旁老幼扶  
攜瞻覲每顧而樂之至於沿途點綴飾為巷舞衢歌  
之象從未嘗攬轡停輿一為聽覽亦何必為此無益

之煩費乎前次恭奉

皇太后巡幸江浙臚歡祝

釐所至或綴陳燈綵音樂以奉

慈娛因兩淮蘇杭地本殷阜且俗尚如斯遂爾不加斥禁  
然亦初不以為美觀若北方風氣淳樸豈可效其所  
為又從而踵事增華乎朕行事期為天下後世法方  
今綱紀肅清朕巡省周咨並不以遊觀為事誥諭諄  
諄督撫等尚且不能深喻朕意我子孫若能恪守朕

訓庶不致為奢靡所移設或稍不自持畧涉流連游覽督撫因而曲意逢迎其流弊伊於何底此於國運人心所繫甚鉅可不共知儆懼乎將此通諭知之

四十五年正月

皇上南巡

諭曰朕因東南黎庶望幸情殷爰舉舊章五巡江浙所以省方觀民勤求治理清蹕所經各處舊有行宮祇令掃除潔淨以供憩宿毋得踵事增華致滋糜費屢

經降旨諄切曉諭封疆大臣自能仰體朕心遵旨辦理第念直省行館近京數程屢經駐蹕即圯墁裱飾為費尚屬無多其自山東以至江浙所有行宮則自乙酉南巡至今未經臨莅閱時既久不免剝落地方官修理葺治不無所費且山東江蘇二省俱有添建座落此項用度聞各省俱係捐廉辦理在地方大吏養廉豐厚分年扣捐以抒忱悃尚屬可行況朕又復加恩賞給庫銀用示體恤伊等辦理儘足敷用

若更因此派累閭閻致滋苛擾則斷不可且非朕念  
切民依行慶施惠之至意也第恐不肖有司或有借  
辦差為名暗中科斂而窮鄉僻壤未及周知亦有幫  
貼差費者一經察出必將該督撫等重治其罪以昭  
警戒其各凜遵朕旨慎勿自干嚴譴也將此通諭知  
之

又

諭朕清蹕時巡臨蒞江浙原因厯念河工海塘親臨閱

視兼以省方問俗順時行慶非為游觀計也前屢經降旨所有經過地方止須掃除蹕路一切供頓毋庸踵事增華今浙省仍有添建屋宇點綴燈彩之事兼多華褥未免徒滋繁費朕心實所不取三寶王盥望均著傳旨申飭嗣後如再有似此過費者朕必加以嚴譴不能寬貸也

又

諭朕自三十年南巡以後迄今十有五年東南土俗民

風易趨華靡每勗督撫大吏諄諄化導務期反樸還淳以臻邳治乃自啟蹕以來所過直隸江南一切行營供頓不過就舊有規模畧加修葺辦理尚為妥協而從事浮華山東已開其端至浙江為尤甚朕心深所不取現在陶莊及海塘各工經朕親臨指示將來工程完竣朕自當再行親莅閱視恐後任督撫見此次所辦差務已多粉飾未免踵事增華從而加甚勢將伊於何底著再通飭各督撫以後務宜黜奢崇儉

於地方諸大政實心經理毋得徒事繁華致滋浮費  
以稱朕惠愛東南黎庶之至意

又

諭朕於明春二月廿二日啟鑾巡幸五臺蹕路所經已  
降旨止就舊有行宮量加修葺無許再行添建該督  
撫務宜妥協辦理不得踵事增華致滋糜費以副朕  
省方觀民之至意

四十九年正月奉

旨於乾隆四十九年正月諏吉啟鑒祇謁

孔林巡幸江浙順道親閱河工海塘所有各處行宮  
座落俱就舊有規模畧加葺治毋得踵事增華致滋  
繁費

御製南巡記

舉大事者有宜速而莫遲有宜遲而莫速於宜速而  
遲必昧幾以無成於宜遲而速必草就以不達能合  
其宜者其惟敬與明乎敬者敬

天明者明理敬

天斯能愛民明理斯能體物千古不易之理也予臨御五十年凡舉二大事一曰西師一曰南巡西師之事所為宜速而莫遲者幸賴

天恩有成二十餘年疆宇晏安茲不絮言若夫南巡之事則所為宜遲而莫速者我

皇祖六度南巡予藐躬敬以法之茲六度之典幸成亦不可以無言我

皇祖蕩蕩難名予藐躬瞠乎景仰述且弗能作於何有然  
而宜遲莫速之義則不可不明示予意也蓋南巡之  
典始行於十六年辛未是即遲也南巡之事莫大於  
河工而辛未丁丑兩度不過敕河臣慎守修防無多  
指示亦所謂遲也至於壬午始有定清口水誌之諭  
丙申乃有改遷陶莊河流之為庚子遂有改築浙江  
石塘之工今甲辰更有接築浙江石塘之諭至於高  
堰之增卑易磚徐州之接築石隄並山無不籌度咨

諷得宜而後行是皆遲之又遲不敢欲速之為夫臣之事君其有知不可而強諍者鮮矣河工關係民命未深知而謬定之庸碌者惟遵旨而謬行之其害可勝言哉故余之遲之又遲者以此而深懼予之子孫自以為是而後之司河者之隨聲附和而且牟利其間也與其有聚斂之臣寧有盜臣在他事則可在河工則不可河工而牟利宣洩必不合宜修防必不堅固一有疎虞民命繫焉此而不慎可乎然而為君者

一二日萬幾胥待躬親臨勘而後剔其弊日不暇給  
焉則仍應於敬

天明理根本處求之思過半矣予之舉兩大事而皆幸以  
有成者其在斯乎其在斯乎若夫察吏安民行慶施  
惠羣臣所頌以為亟美者皆人君本分之應為所謂  
有孚惠心勿問元吉予嘗以此自勗也至於克己無  
欲以身率先千乘萬騎雖非扈蹕所能減而體大役  
衆俾皆循法而不擾民亦亟其難矣斯必有振其綱

而挈其要然後可以行無事而胥得宜實總不出敬  
明兩字而已故茲六度之巡攜諸皇子以來俾視予  
躬之如何無欲也視扈蹕諸臣以至僕役之如何守  
法也視地方大小吏之如何奉公也視各省民人之  
如何瞻覲親近也一有不如如此未可言南巡而西師  
之事更不必言矣敬告後人以明余志

皇朝文獻通考卷三十九

欽定四庫全書

皇朝文獻通考卷四十

國用考二

庫藏

內府六庫屬廣儲司初設御用監順治十六年改御  
用監為廣儲司十八年分設銀庫緞庫皮庫衣庫  
康熙二十八年增設茶庫磁庫

銀庫掌金銀錢珠玉寶石及金銀玉器之屬

緞庫掌各色緞綢紗綾羅絹布及絲棉花之屬

皮庫掌各色獸皮鳥羽緞紗呢氈絨褐象牙犀角

涼蓆之屬

衣庫掌朝祭冠服冬夏衣服之屬

茶庫掌茶人參香紙顏料絨線絰纓之屬

瓷庫掌瓷銅錫器之屬

戶部三庫曰銀庫在戶部曰緞疋庫在東華門外

曰顏料庫在西華門外

朝廷經費及物之待給者取諸三庫所司籍其數移戶部部稽其籍相符乃牒諸掌庫官掌庫官受其牒而書之頒之承用之府覈實而發之

銀庫為天下財賦總滙各省歲輸田賦漕賦鹽課關稅雜賦除存留本省支用外凡起運至京者咸入馬寶泉局鑄錢亦貯庫以待度支

緞匹庫各省所輸綢緞絹布絲綿線麻之屬咸入焉其輸自江寧蘇州杭州三織造者由部酌庫中

應用之物于前一年八月移江浙布政使司轉行  
各織造限次年八月備供

顏料庫各省所輸銅鐵鉛錫硃砂黃丹沈香降香  
黃茶白蠟黃蠟桐油并花犁紫榆等木咸入焉

盛京戶部銀庫收貯金銀幣帛顏料諸物供用

三陵祭祀及東三省

盛京吉林黑龍江

官兵俸餉并各賞賚之用

歲由

盛京戶部豫疏請撥由戶部劄庫發給委官運往貯

庫按期分發次年八冊奏銷

盛京吉林齊齊哈爾各將軍庫寧古塔伯都訥三姓  
拉林黑龍江墨爾根各副都統庫呼蘭城守尉庫  
各貯官兵俸餉及雜稅官莊糴賣糧價每歲冊報  
察覈

直省布政使司庫為一省財賦總匯各州縣歲徵  
田賦雜賦除存留支用外餘悉輸布政使司庫庫  
設大使一人間設副使一人司啟閉掌平衡布政

使稽收支出納之數彙冊申巡撫達戶部察覈

按察司庫貯贓罰銀錢歲輸刑部為公用

糧儲道督糧道庫均貯漕賦銀由州縣徵輸糧道  
庫庫設大使一人糧道掌稽出納歲具冊申漕運  
總督達戶部察覈

驛道庫貯驛站夫馬工料河庫道庫貯河餉兵備  
道庫貯兵餉或由布政使司照數移送或由部撥  
隣省運往貯用各道掌稽出納歲具冊申督撫河

道總督分咨戶兵工三部察覈

鹽運使司鹽法道庫均貯鹽課凡場大使之徵解商人之輸納咸入焉設庫大使一人鹽運使鹽法

道掌稽出納歲具冊申鹽政管鹽督撫達戶部察

覈

長蘆天津山東河南兩淮廣東各設鹽運使司庫  
福建兩浙四川廣西雲南各設鹽法道庫

各稅務由部差者有監督庫貯關鈔分四季輸部

如道府廳州縣官兼理者即貯兼理官庫歲終輸

戶部覈收

地居衝要之分廵道庫府庫直隸州庫及分駐苗疆之同知通判庫均量地方大小距省遠近酌撥司庫銀分貯各庫備用歲由布政使司入春秋季報冊達戶部察覈

州縣衛所庫貯本色正雜賦銀存留者照數坐支起運者輸布政使司庫按催徵限期具還欠數目冊隨時申報司撫入奏銷考成

賦額

地丁之賦順天府十五萬四千一百七十三兩有  
奇直隸二百三十三萬四千四百七十五兩有  
奇

盛京三萬八千七百八兩有奇江蘇三百十一萬

六千八百二十六兩有奇安徽一百七十一萬

八千八百二十四兩有奇江西一百八十七萬

八千六百八十二兩有奇浙江二百九十一萬

四千九百四十六兩有奇福建一百七萬四千

四百八十九兩有奇 湖北一百十七萬四千一

百十兩有奇 湖南八十八萬二千七百四十五

兩有奇 河南三百十六萬四千七百五十八兩

有奇 山東三百三十七萬六千一百六十五兩

有奇 山西二百九十九萬六百七十五兩有奇

陝西西安一百六十五萬八千七百兩有奇

甘肅二十八萬六百五十二兩有奇 四川六十

三萬一千九十四兩有奇 廣東一百二十六萬

四千三百四兩有奇 廣西四十一萬六千三百  
九十九兩有奇 雲南二十萬九千五百八十二  
兩有奇 貴州十萬一千六百二十八兩有奇  
鹽課直隸四十三萬七千九百四十九兩有奇  
江南二百八萬五千二百八十二兩有奇 江西  
五千一百五十兩有奇 浙江五十萬一千三十  
四兩有奇 福建八萬五千四百七十兩有奇  
山東十二萬七百二十兩有奇 山西五十萬七

千二十八兩有奇 廣東四萬七千五百十兩有

奇 廣西四萬七千一百五十兩有奇 貴州六

千二百三十兩有奇

以上據乾隆二十九年奏銷冊

關稅隸戶部者四百三十二萬四千有奇隸工部者二十七萬一千五百四十六兩有奇

蘆課江蘇十二萬六千九百四十兩有奇 安徽

五萬一千三百四十七兩有奇 江西六千二百

六十八兩有奇 湖北九千八百八十四兩有奇

湖南千三百二十九兩有奇

茶課江蘇額行茶萬五千引

其課由經過各關徵收入關稅項下報

銷無定額安徽浙江同

浙江額行茶十四萬引又額徵銀

六千兩

解內務府

江西額徵銀三百六十五兩有奇

湖北額徵銀二百三十兩 湖南額徵銀二百

四十兩 甘肅額徵銀六千二百六十六兩有奇

四川額徵銀萬三千一百二十八兩有奇又稅

銀四萬五千九百四十二兩有奇 雲南額徵銀

九百六十兩

金礦雲南永北府額課金七兩一錢六分遇閏加  
徵一兩一錢一分永昌府額課金二十五兩一錢  
六分開化府額課金三十四兩遇閏加金二兩四  
錢 貴州思南府每兩收課金三錢三分

銀礦廣東永安縣豐順縣嘉應州均銀一兩收課  
四錢五分 雲南開化府額課銀七百六兩八錢  
六分中甸額課銀五百六十八兩五錢三分有奇

建水州額課銀六百六十一兩一錢一分雲南府  
額課銀三千一百三十二兩六錢有奇永昌府額  
課銀三百兩南安府額課銀二萬二千三百九十  
兩二錢二分遇閏加銀二十九兩馬龍額課銀六  
百九十八兩五錢二分有奇土革喇額課銀六十  
兩八錢四分有奇楚雄府額課銀三千三百七十  
五兩九錢六分鶴慶府額課銀四百二十一兩八  
錢一分有奇遇閏加銀二十四兩二錢鄧州額課

銀一千三百二兩六錢七分過閏加銀一百六兩  
二錢三分有奇臨安府額課銀三萬三千六百十  
三兩七錢八分過閏加銀三十八兩新平縣額課  
銀六十八兩八分過閏加銀四兩七分有奇永昌  
府收課無定額

銅礦四川樂山縣二八收課建昌三分收課 廣  
東二八收課 廣西恭城縣山斗岡每百斤收課  
十五斤蓮花石二八收課 雲南額課銀一萬八

百二十五兩七錢有奇其白銅廠課無定額 貴

州大定府每百斤收課十斤威寧州思南府均二

八收課

鐵礦福建延平府額課二百六十二兩四錢有奇

湖北宜都縣二八收課 四川建昌鎮照例收

稅儘收儘解無定額 廣東額課銀千二百十六

兩 廣西鐵爐五十四座每爐額課銀十兩 雲

南額課銀一百三十四兩四錢有奇

鉛錫礦山西交城縣平定州鉛廠二八收課 湖

南柳州桂陽州鉛廠二八收課 同州府鉛廠二

八收課 四川建昌青礦三分收課 廣東錫廠

二八收課 廣西鉛廠宣化縣二八收課恭城縣

蓮花石二八收課大有朋山每百斤收課十五斤

雲南蒙自縣錫廠收課銀三千一百八十六兩

羅平州平彝縣各鉛廠每百斤收課十斤 貴州

威寧州都勻府各鉛廠均二八收課

水銀礦貴州開州額徵水銀千二百六十九斤遇  
閏加一百三十三斤有奇婺川縣額徵水銀一百  
六十九斤有奇均照時直變價貯庫

魚課江蘇安徽額徵銀七十五兩八錢四分有奇  
江西五千二十二兩八錢有奇 福建八千四

百六兩七錢有奇 浙江二千三百九十九兩六  
錢有奇 湖北二千八百八十五兩九錢有奇

湖南五千五十七兩有奇遇閏加銀一百五兩

廣東三千六百四十兩五錢有奇

田房契稅順治四年定凡買田地房屋計其值每  
兩輸銀三分 康熙十六年定江南蘇州松江常  
州鎮江四府所屬大縣額徵銀六百兩小縣二百  
兩安徽十府州所屬分別州縣之大小自五百兩  
至百兩不等揚州府照賦役全書額徵淮安徐州  
二府所屬及寶應霍山宿遷臨淮五河懷遠定遠  
靈璧虹九州縣儘收儘解無定額杭州嘉興湖州

寧波紹興金華嚴州七府大縣三百兩中縣二百  
兩小縣百兩湖北大縣百五十兩中縣百兩小縣  
五十兩僻小州縣十兩 十七年定山東省大縣  
二百四十兩至百八十兩中縣百二十兩小縣六  
十五兩至三十五兩 二十年定浙江台州温州  
衢州處州四府大縣百兩中縣六十兩小縣三十  
兩 二十一年定江西萍龍永瀘上定六縣契稅  
如初例行

牙帖稅

京師行鋪上等者每行鋪額徵銀五兩次等者二兩  
五錢 直隸額徵銀三萬二千一百五十八兩八  
錢有奇

盛京三千八百六十一兩一錢有奇 山東萬三千  
二百四十七兩七錢二分有奇 山西三萬五千  
六百四十七兩七錢有奇 河南七千三百五十  
三兩八錢有奇 江蘇二萬八百六兩八分有奇

安徽萬一千七百四十五兩七錢五分有奇

江西五千七百十八兩 福建七千一百二十兩

五錢五分有奇 浙江九千五百五十八兩 湖

北五千三百六十兩六錢三分有奇 湖南千二

百八十五兩一錢一分有奇 陝西八千五百二

十五兩一錢五分有奇 甘肅八千四百七十七

兩一錢二分有奇 四川千一百七十兩一錢

廣東萬八千四百二十一兩七錢七分有奇 廣

西一百六十五兩 雲南一千六十兩 貴州五百十四兩五分有奇

落地雜稅直隸二萬六千九百十九兩六錢有奇  
盛京三百六十二兩一錢六分 山東三萬三千一百六十兩一錢三分有奇 山西三萬八千七百六十六兩四錢 河南二萬四千六十五兩六錢  
江蘇二萬四千二百五十二兩二錢九分有奇  
安徽五千五百六十三兩九錢一分有奇 江

西九萬一千六十九兩一錢二分有奇 福建八  
千四十四兩九錢六分有奇 浙江三千九百七  
十四兩八錢七分有奇 湖北三萬八千六十五  
兩一錢一分有奇 湖南萬五千五百二兩五錢  
五分有奇 陝西二萬六千九百五十兩八錢九  
分有奇 甘肅萬四千二百五十七兩一錢五分  
有奇 四川十九萬一千二百九十五兩一錢六  
分有奇 廣東十二萬四百十七兩一錢九分有

奇 廣西二萬九百七十九兩六錢有奇 雲南

十五萬一千一百六十七兩五錢六分有奇 貴

州二萬一千四百八兩二錢九分有奇 以上據會典則例

用額

京師經費之額 田賦由直省布政使司漕賦由糧道

鹽課由鹽政關稅由監督各輸之戶部戶部受而

頒之受藏之府以待邦國之用歲終則會之

王公百官俸銀九十三萬八千七百兩兵餉 無閏之年

五百三萬三千四十五兩各有奇

此係應領之數  
每年實領之數

俸餉共計約  
四百餘萬兩 餉錢一百餘萬千

盛京熱河圍場

東陵

泰陵各官兵俸餉一百三十至一百六十餘萬兩不等外

藩王公俸銀十二萬八千兩有奇 內閣等處飯

銀萬八千三百兩有奇 吏部禮部養廉銀萬五

千兩 京官公費飯食錢十一萬千有奇 八溝

塔子溝收稅官路費一千六十二兩 內務府工

部太常寺光祿寺理藩院備用銀五十六萬兩

內光

祿寺六萬兩與茶膳房各半支領

內務府備用錢五千千 兵

部館所錢糧四千一百八十兩 刑部

朝審銀六千兩 國子監膏火銀六千兩 欽天監

時憲書銀四百九十八兩九分遇閏加銀十八兩

一錢二分 寶泉寶源局料銀十萬七千六百七

十一兩二錢遇閏加銀五千八百四十六兩四錢

在京各衙門胥役工食錢糧銀八萬三千三百三十兩有奇 內務府牽駝人米折銀三千四十一兩有奇 五城棲流所備賑銀二百兩 孤貧口糧錢二千九百三十千有奇 內務府上駟院奉宸苑兵部工部理藩院太僕寺四譯館犧牲所三營象房各芻牧銀八萬三千五百六十兩有奇

外藩蒙古朝鮮入貢

賞銀約萬兩

以上歲用之數盈縮不齊茲就乾隆三十年奏銷約舉其凡至用之本無常額者不

列

直省經費之額各省州縣田賦除輸布政使司轉  
輸戶部外存庫以待經費者是曰存留由州縣具  
數申布政使司轉申督撫達戶部其有賦入不敷  
本省經費者由戶部於隣省撥濟撥濟先儘近省  
再儘次近如山西河南以陝西甘肅為近直隸山東  
為次近江西湖廣以四川雲貴為近浙江為次近  
直隸四十八萬七千五百六十七兩八錢四分有

奇

盛京萬五千六百五十四兩三錢八分七釐七毫有  
奇 山東六十二萬七千一百五十兩七錢八分  
五釐有奇 山西四十四萬八千九百五十一兩  
六錢九分五釐有奇 河南五十八萬二千二百  
四十一兩五錢九分有奇 江蘇一百二十四萬  
五千五百三十八兩有奇 安徽四十五萬八千  
五十三兩有奇 江西四十三萬五千九百十二

兩五錢五分三釐三毫有奇 福建二十一萬一

千一百二十兩一錢八釐八毫有奇 浙江十六

萬九千五百九兩二分八釐六毫有奇 湖北三

十五萬八百四兩有奇 湖南二十九萬一千四

百六十七兩七錢九分有奇 西安二十五萬二

千五百四十六兩九錢四分五釐有奇 甘肅九

萬三千九十六兩八錢八分九釐二毫有奇 四川十

六萬七千二百二十兩二錢有奇 廣東四十一

萬六千五百四十二兩有奇 廣西九萬四千九

百四十五兩五錢五分四釐六毫有奇 雲南四

萬三千七百八十四兩二錢九分六釐有奇 貴

州萬六千九百六十三兩一錢七分六釐有奇

以上

存留之數歲亦不  
齊茲據會典則例

直省備用之額雍正五年以各省經費外或多需  
用令督撫歲於春秋二撥時酌留若干封貯司庫  
是為留貯遇用豫期疏

聞擅動者論

直隸附近

京師無庸留貯江蘇安徽江西浙江湖南甘肅四川  
廣西貴州均留貯銀三十萬兩福建三十萬四百  
七十兩有奇雲南二十萬三千三百四十兩有奇  
山西河南湖北西安廣東均二十萬兩山東十萬  
兩

各府州縣備用之額雍正七年

諭撥戶部銀二萬兩分給大興宛平二縣以備需用八年  
援宛大之例凡供軍需及繁劇之州縣亦各撥銀  
貯庫備用是為分貯

雍正八年定直隸山東山西河南廣西各十五萬  
兩江蘇安徽江西浙江湖北湖南廣東各十萬兩  
福建雲南貴州各二十萬兩西安甘肅四川各三  
十萬兩均分貯府庫直隸州庫至乾隆五年增定  
直隸分貯道庫十一萬兩山西分貯各府四萬兩

河南分貯各府州二萬兩江蘇分貯府庫二萬兩  
道庫運使庫六萬兩安徽分貯府庫五萬兩江西  
分貯府庫三萬兩福建浙江湖南廣東仍如原數  
各分貯府州庫湖北分貯府州庫五萬兩陝西分  
貯府州庫十萬兩甘肅分貯府州庫二十二萬兩  
四川分貯府州庫叙永松潘同知庫二十萬七千  
兩廣西分貯府庫六萬六千兩雲南分貯府庫一  
萬八千兩貴州分貯道庫台拱八塞同知庫都江

丹江清江通判庫三萬六千兩其各省所餘原貯  
銀兩及山東原分貯銀十五萬兩均歸入該省司  
庫開造酌留項下封貯備用

以上留貯分貯之  
數據會典則例

皇朝文獻通考卷四十